

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---


DS                      Wang, San-p'ing  
705                      Ku chin shih wu k'ao  
W36  
1874  
v.1-2

East Asia


古今事物考

一卷至二卷

曰









第二集

續知不足齋叢書

渤海高氏開雕




臨海高天開報

德政民咸樂教書

卷二



古今事物考



古今圖書集成

DS  
705  
W36  
1874  
v.1-2

續知不足齋叢書

第二集

古今事物考 八卷

戴氏鼠璞 二卷

聽雨記談 一卷

三餘贅筆 一卷

物原 一卷

山水忠肝集摘要 一卷

大六壬鬼撮腳 一卷

目錄 第一集

續鮑叢書



宜齋野乘 一卷

痛餘雜錄 一卷

豪譜 一卷

遊戲錄 二卷

古今事物考卷之一

盤屋 王三聘 輯

天文

**大**朱子曰邵子皇極經世書以元統會以會統運以運統世三十年爲一世十二世爲一運三十運爲一會十二會爲一元一萬八百年爲一會初間一萬八百年至子而天始開

**日**唐孔氏曰積陽之熱氣生火火氣之精者爲日說卦曰坎爲水爲月月之精也淮南子曰日中水有跋烏

謂三足鳥也論衡曰鳥日氣也酉陽雜俎曰佛氏言日  
中所有乃大地山河影或言月中蟾蜍地影空處水影  
也月中有兔與蟾蜍何月陰也蟾蜍陽也而與兔並明  
陰係于陽也

**星辰**說文曰萬物之精上爲列星馬總通歷曰地皇氏  
定星辰後漢志注曰黃帝分星次凡中外官常明者百  
二十四可名者三百二十微星萬一千五百二十禮記  
云帝嚳能序星辰蓋地皇氏始定爲星辰黃帝又名之  
至帝嚳而序也



**風雷橫渠**張子曰陰氣凝聚陽在內者不得出則奮擊而爲雷霆陽在外者不得入則周旋不舍而爲風淮南子曰陰陽相薄爲雷激揚爲電

**雲雨**張子曰陽爲陰累則相持爲雨而降陰爲陽得則飄揚爲雲而升春秋題辭曰山氣也觸石而起謂之雲黃氏曰地氣上騰天氣下降故蒸滷而成雨

**霜露**大戴禮曰陰氣盛則凝而爲霜陽氣勝則散而雨露朱子曰霜只是露結成

**雪霧**張子曰陰陽和而散則爲霜雪雨露爾雅曰地氣

古今事考 二  
發天不應爲霧論衡曰夏則爲露冬則爲霜溫則爲雨  
寒則爲雪雨霧凍凝者皆由地發不從天降

洪範五行傳曰陰陽相脅而雹霰盛陰雨雪凝滯  
而水寒陽氣薄之不相入則散而爲霰盛陽雨水溫煖  
而湯熱陰氣脅之不相入則轉而爲雹

虹蜺蔡邕月令章句曰陰陽交接之氣著于形色者雄  
曰虹雌曰蜺

陰陽春秋內事曰伏羲氏定天地分陰陽

五行史記歷書曰黃帝建立五行起五部應劭曰金木

水火土也

**晝夜**通歷曰地皇氏爰定三辰是分晝夜

**刻漏**黃帝刻漏水制器以分晝夜周禮有挈壺氏掌之以百刻分晝夜

**子月**令章句曰天皇始制干支之名以定歲之所在又云黃帝命大撓探五行之情占斗罡所建作甲乙以名曰謂之干干幹也亦曰十母作子丑以名月謂之支支幹也亦曰十二子支幹相配以成六旬

**歲**黃帝定星歷正閏餘以肇歲事至堯始定四時成歲



閏史記曰黃帝起消息正閏餘則閏蓋餘分之月也黃  
帝造歷始正之

時節書曰堯命羲和定四時春秋內事曰伏羲建分八  
節以應四時

氣候董巴議曰伏羲造八卦作三畫以象二十四氣禮  
記月令注曰周公作時訓定二十四氣分七十二候蓋  
一月二氣六候如正月二氣立春雨水六候東風解凍  
蟄蟲始振魚陟負冰獺祭魚候雁北草木萌動是也餘  
倣此

**十二辰**事始曰黃帝立子午十二辰以名月又以十二名獸屬之

**曆**後漢志曰軒轅始授河圖鬪苞授規日月星辰之象故星官之書自黃帝始至高陽氏乃使南正重司天分野王子年拾遺記曰庖犧視五星之文分野之度

**渾儀**春秋文耀鉤曰唐堯卽位羲和立渾儀劉氏歷曰高陽造渾儀黃帝爲蓋天則渾儀始于高陽氏也至舜則璇璣玉衡以齊七政

歷易乾鑿度曰歷原名握先注云握先爲歷始之名猶

言無前也沿革曰黃帝考定星歷建五行起消息正閏  
餘謂之調歷後代因之

納音鬼谷子作納音其法以干支行數合之以五數除  
之零數爲納音火一土二水五互用木三金四不移蓋  
言納者受也音者感動助聲也五行中火本無聲借水  
擊則火沸金本無聲借火煉則剛水本無聲借土則壅  
皆發聲也惟金木有自然之聲不擊而響故曰納音

地理

地朱子曰天開於子又一萬八百年至丑而地始闢



**川嶽** 王子年拾遺記曰庖犧審地勢以定川嶽

**山谷** 遁甲開山記曰麗山氏產生山谷肇分自此其始也

**石** 物理論土精爲石石氣之核也氣之生石猶人筋絡之生爪牙也抱朴子曰燒泥爲瓦燔木爲炭蜂窠爲蠟水沫爲石皆柔脆變爲堅剛

**池** 黃帝破蚩尤而爲池沼蓋始于此

**泉** 通鑑曰神農察水泉甘苦令人知所避就

**井** 荊州記曰神農旣育九井自穿世本曰黃帝鑿井聚

民爲邑亦云伯益作井

**四方**太乙金鏡經曰昔燧人氏仰觀斗極而定方名東西南北是也

**地里**淮南子曰禹使大章步東西極二億二萬三千五百里七十五步豎亥步南北極二億三萬三千五百里七十五步按黃帝遊幸天下而有記里之車疑道路之紀以里埃起軒轅氏也

**地圖**春秋元命苞曰神農世倭義生曰皐圖地形脈水道注云惟義白皐母名呂東萊曰輿地有圖古也成周

大司徒掌天下土曰之圖以周知廣輪之數而職方氏之圖復加詳焉

**輿地**人皇相厥山川分爲九區堯五服甸侯綏要荒是也舜分爲十二州虞書云肇十有二州是也夏爲九州書曰九州攸同是也輿地志曰周成王時周公作輔政禹職方以徐梁合之於青雍分冀州之域爲幽并二州秦始皇并天下置三十六郡漢興爲十三州部唐武德初改郡爲州貞觀初并省州縣分爲十道又分爲十五道宋至道分天下爲十五路其後又增三路皇明兩京

十三省府一百六十羈縻者十一州二百三十四羈縻者四十七縣一千一百一十四衛四百九十三所二千四百一十儀衛司二十九宣慰司十一安撫司二十二招討司一長官司一百七十四夷來朝貢者一百二十餘國一統之盛超越千古矣

**城郭**管子曰內爲之城外爲之郭案淮南子鮒作城吳越春秋曰鮒築城以爲君造郭以守民此城郭之始也五經異義曰天子之城高九仞公侯七仞伯五仞子男三仞又公羊傳注曰天子之城千雉公侯百雉子男五



雉白虎通曰天子崇城諸侯千城釋名又万城上垣謂之睥睨亦曰埤亦曰女牆說文所謂堞者亦女牆也

**皇明京城**南京舊志六朝舊城近覆舟山去秦淮五里至楊吳特改築跨秦淮南北周迴二十五里洪武初益拓而東盡鍾山之麓周迴九十六里立門十三南曰

陽南之西曰通濟又西曰聚寶西南曰三山曰石城北曰太平北之西曰神策曰金川曰鍾阜東曰朝陽西曰清涼西之北曰定淮曰儀鳳後塞鍾阜儀鳳二門其外城則因山控江周迴一百八十里別爲十六門曰麒麟

曰仙鶴曰姚坊曰高橋曰滄波曰雙橋曰夾岡曰上方  
曰鳳臺曰大駟象曰大安德由小安德曰江東曰佛寧  
曰上元曰觀音北京元志至元四年建大都城洪武初  
置北平布政司於此永樂七年爲北京十九年營建宮  
殿成乃拓其城周迴四十里立門九南曰正陽南之左  
曰崇文右曰宣武北之東曰安定西曰得勝東之北曰  
東直南曰朝陽西之北曰西直南曰阜成

**省**自漢至唐有尙書省中書省元制天下立十二行中  
書省故今稱各布政司爲省

寺自漢以來九卿所治之府謂之九寺其以官名寺自北齊始也

**府**漢制三公開府故稱三府魏晉以後諸王又稱府唐高祖武德初邊鎮襟帶之地置總管府七年改曰都督府開元三年始改京兆河南曰府

**州**項峻始學篇曰人皇九頭依山川土地之勢財度爲九州沿革曰黃帝分州畫野

**縣**周禮四甸爲縣秦孝公并諸小鄉聚爲縣始皇以郡領縣隋文帝罷郡以縣隸州

郡左傳曰上大夫受郡秦始皇并天下始分三十六郡  
唐高祖乃罷郡置州

邑周禮四井爲邑左傳凡邑有宗廟先君之主曰都無  
曰邑十邑爲都

軍周制一萬二千五百人爲軍宋制地要不成州而當  
津會者則爲軍以縣兼軍使

鎮通典曰鎮周後周之通班也隋亦曰鎮唐分上中下  
三等歷代未聞疑鎮始于宇文周代也宋制民聚不成  
縣而有稅課者則爲鎮或以官監之



**鄉**周禮五州爲鄉畿內六鄉以爲軍政秦制大率十里一亭十亭一鄉漢以屬縣

**關**易繫辭神農氏重門擊柝以待暴客蓋取諸豫周官司徒之屬有司關又有下士二人以譏察非常

**市**易繫辭神農氏日中爲市致天下之人聚天下之貨交易而退各得其所蓋取諸噬嗑

**坊**漢洛陽故北宮有九子坊則坊名自漢有也

**館驛**周禮地官凡國野之道十里有廬廬有飲食二十里有宿宿有路室路室有委五十里有市市有候館候

古今事考  
館有積漢自鄭莊置驛以迎送賓客故後世亭傳有驛  
名通典曰唐三十里置一驛其非通途大路則曰館由  
是通謂之館驛元耶律楚材始定驛令請給官符印給  
牌劄定令例國朝水驛置船陸驛置馬俱有廩餼

急遞筆談曰驛傳舊有馬步急遞三等急遞最遽曰行  
四百里唯軍行用之熙寧中又有金字牌急腳如遞古  
羽檄也日行五百里國朝置急遞鋪

道路周禮夏官合方氏掌達天下之道路則道路自古  
有之而職掌見于周也

**拾遺錄**曰禹治水所穿鑿處皆青泥封記今人聚土爲界乃遺事也

**韓詩外傳**云鳳蔽日而至黃帝降于東階則階陛之制黃帝爲棟宇則設之也

**巷**姜原生后稷誕寘之隘巷則帝嚳時已有名矣

**御溝**宮中之溝旋繞于禁中水通于金水河者曰御溝唐以前有之

**金水河**帝王闕內置金水河表天河銀漢之義也自周有之

古今事考  
浮橋 春秋後傳曰周赧王五十八年秦始皇作浮橋于河  
上按詩大雅云造舟爲梁孫炎曰造舟比舟爲梁也比  
舟於水加板于上今浮橋也疑周有事則造舟而秦乃  
繫之

墻 淮南子曰舜作屋築墻茨屋令人皆知去巖穴有室  
家則墻起于此至夏太康始峻宇雕墻矣

藩籬 易曰羝羊觸藩疏云藩籬也左傳哀公十二年吳  
人藩衛人之舍則藩籬之固室家三代之制也

臺榭 黃帝內傳帝旣斬蚩尤因立臺榭唐以來砌臺以



爲臨觀之景無屋曰臺有屋曰榭

**苑園** 人皇以九州爲九園此名園之始也國朝北京皇城內置西苑中有太液池瓊華島上有廣寒殿京城外置御馬苑大小二十所相距各三四里置南海子養禽獸種蔬菓中有海子大小凡三其水汪洋若海以禁城北有海子故別名曰南海子

**園圃** 韓詩外傳曰黃帝時鳳止帝東園莊子曰黃帝之圃此名園圃之始也國朝洪武初置漆園桐園櫻園于鍾山之陽內植此木各萬株以備油漆櫻纜用造海運

及防倭戰船而省民供焉

**地畝**通典曰黃帝始立步制畝是田以畝計起自軒轅也唐高祖始定度田之法五尺爲步二百四十步爲畝百畝爲頃

**田**文獻通考曰唐始使民得立券自賣其田而田遂爲私田此說亦未深考如蕭何買民田自污貢禹被召之日賣田百畝以供車馬自漢以來民得自買賣田土矣

**阡陌**商君傳曰商鞅相秦孝公壞井田開阡陌

時令

**正月**夏正建寅易說卦云帝出乎震則正自伏羲始也  
秦始皇諱政故音從征

**賀正**通典曰漢高帝十月定秦遂爲歲首七年長樂宮  
成制羣臣朝賀儀武帝改用夏正亦在建寅之朔則元  
日慶賀始于漢高祖也

**春牛**前十二月建丑丑爲牛故出土牛以送寒氣且升  
陽也周制出土牛以示農之早晚如立春在十二月望  
則策牛八近前示農早也在月晦反正月旦則居中示

農平也近正月望則近後示農晚也按牛色以立春日  
爲法曰干爲頭角耳色支爲身色納音爲蹄尾肚色如  
甲子日立春甲木青色子水黑色甲子屬金白色餘倣  
此

**戴燕貼字**立春口翦綵爲燕簪釵頭以戴之貼宜春字  
于門觀歐陽公詩云共喜釵頭燕已來王沂公帖云寶  
字帖宜春則知相傳已久矣

**幡勝**立春日後漢立春幡唐賜百官綵勝

**春盤**立春曰春餅生菜相饋食號春盤唐以前有之



**春**花唐中宗令侍臣迎春內出綵花人賜一枝今迎春  
簪花本此

**屠蘇**洪景廬曰元日飲屠蘇酒自小者起相傳已久後  
漢李膺杜密同繫獄中元日飲酒曰正旦從小起董勛  
曰俗以少者得歲先飲之老者失歲故後屠蘇草庵名  
昔有居人於除夕以藥囊浸井中元日取水置酒樽飲  
不病疫

**桃**徑山海經曰東海度朔山有大桃樹其卑枝向東北  
曰鬼門萬鬼出入也有二神曰神荼鬱壘主閱領衆鬼

害人者黃帝法而象之立桃板于門上畫二神以禦凶  
鬼故今桃符書二神字

**鍾馗**唐逸史曰武德中終南進士鍾馗落第觸階而死  
賜綠袍以葬感恩誓除虛耗鬼後明皇夢之召吳道子  
如夢畫一鍾馗衣藍衫鞞一足眇一目腰一笏巾裹而  
蓬髮垂髻左手捉一鬼右手剝鬼眼睛擘而啖之故今  
畫鍾馗像貼于門

**畫雞**東方朔占書一曰爲雞故今書雞貼于戶上董勛  
曰正旦畫雞於門七日貼令於帳爲此也

**爆竹** 神異經曰西方深山中有人長尺餘犯人則病寒

熱名曰山臊人以竹着火中燂有聲而山臊驚憚歲時  
記曰爆竹燃草起于庭燎

**花勝** 東方朔占書一曰雞二曰犬三曰猪四曰羊五日  
牛六曰馬七日人八曰穀其日晴則主物育陰則災晉  
賈充夫人剪綵爲花勝或鏤金薄爲人象瑞圖之形是  
人日起于漢而綵勝起于晉也

**觀燈** 漢望日祠太乙自昏至明今上元夜遊觀燈是其  
遺迹唐勅金吾弛禁許三夜士女遊行謂之放夜宋增

古今事考  
十七十八爲五夜

**送軍** 高陽氏子好衣敝食糜晦日巷死世以破衣糜粥棄于巷謂之送窮

**中和** 唐德宗勅四序嘉辰歷代增置漢宗上巳晉紀重陽自今以二月一日爲中和節李泌請令文武百僚進農獻種桂王公戚里上春服土庶以刀尺相遺村社作中和酒祭勾芒祈年穀

**寒食** 舊云寒食禁火起于晉介子推左傳史記並無子推被焚之事按周禮司烜氏仲春以木鐸徇火禁于國



中蓋爲季春將出火也今準節氣寒食是仲春之末  
明是季孟之初則禁火乃周制也

**拜掃**古無墓祭之文孔子許望墓以時祭祀漢光武詔  
諸將出征有經鄉里者有司給少牢令拜掃以爲榮唐  
明皇因近代寒食上墓相承爲俗詔編入五禮永爲定  
式漢明帝率公卿朝原陵如元會儀後漢亦有上陵儀  
然上墳之禮疑自是以來民間視上所行因習以爲俗  
也

**破散**後唐莊宗寒食出祭謂之破散故今人有破散之

風 漢高祖之征陳稀也韓信謀從中起故作紙鳶放之以量未央宮遠近欲穿地隧入宮中今謂之風箏

北方山戎寒食爲鞦韆以習輕趨齊桓公伐之始傳中國唐明皇爲樂宮中呼爲半仙之戲一云正作千秋字爲秋千非也本出自漢中祝壽詞也後世語倒爲秋千耳

袞 三月初巳日爲上巳周禮女巫掌歲時以袞除疾疢白魏以後但用三日不周上巳王羲之會于山陰蘭

亭修禊事也唐都人禊飲踏青

流杯東晉對晉武帝問曲水事曰周公卜成洛邑因流水以泛酒故逸詩曰羽觴隨流晉以來三月三日曲水流杯卽其始也

**糴子**續齊諧記曰屈原五月五日投汨羅江死楚人哀之每貯米竹筒投祭漢建武中長沙歐迴見一人自稱三閭大夫曰常苦蛟龍所竊更有惠者以楝葉塞筒五絲絲縛之則蛟龍所憚也世以菰葉裹粘米謂之角黍今糴子是也

風俗通曰五月五日以五綵絲繫臂辟鬼及東漢以朱索桃印文施門戶今百索卽朱索之遺事也蓋始於漢本以飾門戶而今人以約臂相承之誤也  
競渡屈原投江人以舟楫拯之今競渡是遺迹

唐太宗是日賜長孫無忌楊師道飛帛扇各二枚  
則端午以扇相遺自太宗始也

師曠占歲病則艾草先生故今採艾懸於戶上以禳毒氣

伏伏者何也金氣伏藏之日也四時代謝皆以相生立



春木代木水生木立夏火代木木生火立冬水代金金生水立秋金代火金畏火故至庚曰必伏庚金也自夏至第三庚爲初伏第四庚爲中伏立秋後初庚爲末伏故謂之三伏秦穆公始爲伏祠

**乞巧**桂陽成武丁有仙道謂弟子曰七月七日織女當渡河暫詣牽牛至今云織女嫁牽女是夕婦女陳瓜花于几筵言二星神會以綵縷望月穿針以綵縷過者爲得巧之候則穿針乞巧始于漢也

**孟蘭**孟蘭經曰目連母亡生餓鬼中佛言須十方衆僧

百金事類  
之力七月十五日具百味五果以着盆中供養十方大  
德後世營僧尼供謂之盂蘭齋

翫月唐明皇宮中翫月歐陽詹序云翫月古也冬則繁  
霜大寒夏則蒸雲大熱雲蔽月霜侵人俱害翫秋之于  
時後夏先冬八月于秋季始孟終十五子夜又月之中  
稽之大道則寒暑均取諸月數則蟾魄圓

登高九月九日九爲陽數而日月並應俗嘉其名以爲  
宜于長久故燕享高會漢費長房謂桓景作絹囊盛茱  
萸懸臂登高山飲菊花酒可消家厄故今人登高飲菊

酒帶茱萸囊

**煖爐**十月一日爲朔朝宋都人出城拜墳如寒食節有司進煖爐炭民間置酒作煖爐會

**賀冬**地皇氏以十一月爲冬至漢制冬至陽生君子士大夫賀之一云始于晉武帝

**臘**夏曰嘉平殷曰清祀周曰大蜡漢改爲臘臘者獵也獵取獸以祭先祖臘接也新故交接大祭以報功也冬至後三戌爲臘王者其行之盛曰爲祖終曰爲臘水始于申盛于子終于午故水行之君以子祖辰臘火始于

寅盛于午終于戌故火行之君以午祖戌臘木始于亥  
盛于卯終于未故木行之君以卯祖未臘金始于巳盛  
于酉終于丑故金行之君以酉祖丑臘土始于未盛于  
戌終于辰故土行之君以戌祖辰臘臘祭先祖蜡報百  
神同日異祭也蜡索也歲十二月合聚萬物而索饗之  
始于周之蜡云

世傳竈二十四日朝天白一歲終故夜祀之宋都  
人帖竈馬于竈上以酒糟塗竈門謂之醉司命

周官歲終命方相氏率百隸索室驅疫以逐之則



讎之始也

**守歲**歲終一日爲除夕宋士庶之家圍爐團坐達旦不寢謂之守歲夜祀其先長幼聚飲祝頌而散謂之分歲

**月忌**釋氏智論曰天帝什以大寶鏡照四大神州每月一移察人善惡正五九月照南瞻部洲故以此三月省刑修善隋唐以來事佛甚謹著在法律遇此三月則禁刑斷屠後人以其有禁刑之條故士大夫以此三月不上官以其有斷屠之條宮中請俸遇此三月不支羊肉

錢其實沿唐朝故事而後人相傳以正五九月爲凶月而忌用

三忌俗忌初五十四二十三年年月月在人間世傳指爲五鬼下哭以爲極凶殊不知一月之內此三日微有晦昧無大凶也於此三日只忌中宮檢蓋宅舍安喪柩放頓重物餘無妨也

### 人事

朱子曰天開于子地闢于丑又一萬八百年至寅而人始生

**姓**通歷記人皇之後有五姓四姓七姓十二姓紀則姓之始疑起于此而帝王世紀至太昊始曰庖犧氏風姓也易類是謀曰黃帝吹律定姓疑姓自太昊始而黃帝定姓者因生賜姓之始也

**氏**左傳曰天子因生以賜姓胙之土而命之氏蓋命氏之原尚矣天皇而降皆稱氏雖盤古之初亦曰氏也

**名**帝王世紀曰神農母名女登左傳曰太皞以龍紀官故爲龍師而龍名則名疑于伏羲氏之前

**字**帝王世紀曰少皞帝名摯字青陽則自金天氏始爲

字也

**古**與略載云孫瓚表曰皇義以來始有君臣上下之分由是推之天皇以降雖有其分固亦略矣至太昊始正之也

**皇**項浚始學篇曰天地立有天皇此稱皇之始也

**帝**庖羲氏繼天而王爲百王先帝出乎震未有所因此稱帝之始也

**王**夏商之前皆稱帝自周始專稱爲王然夏啟甘誓稱王曰嗟仲虺誥湯曰惟王不邇聲色則夏商雖號帝亦



稱王也

**皇帝**世皇帝記曰五帝之初有天黃皇帝呂刑曰皇帝清問下民蓋周穆王氏以言唐堯也秦初并天下李斯采上古位號號曰皇帝始皇自以德兼三王五帝故兼稱之

**太上皇**丘氏曰太上皇之稱始見于秦然秦以追尊其既死之父高祖乃以尊其父之生也後世遂祖之以爲極尊之稱

**皇太子**韓詩外傳曰后虞以上傳賢夏商雖傳之子至

古今事考  
周始見文王世子之制武王繼之稱太子發漢書高祖紀漢王卽皇帝位尊太子曰皇太子漢景帝廢太子榮爲臨江王後世人主廢太子始此

皇后春秋命歷曰人皇九人別長九州離艮地精女出爲后此稱后之始云初學記曰夏殷以前大率稱妃周則天子立后正嫡曰王后秦稱皇帝正嫡始曰皇后漢因之景帝廢太后薄氏後世人主廢后始此

皇太后秦本紀曰昭王母芊氏號宣太后是太后之號始于此也漢因秦故尊母曰皇太后

**太皇太后** 漢因秦事母號皇太后故尊祖母曰太皇太后按景帝二年孝文太后崩高祖薄后也景帝祖母爾時未號太皇司馬遷於武帝乃始稱太皇竇太皇后好老子言蓋竇氏文帝后武帝祖母也

**妃** 黃帝始有元妃次妃之列此疑妃之初爾國朝皇后下曰皇妃東宮親王世子郡王正嫡皆曰妃

**太妃** 晉帝母其嫡爲皇太后所生爲太妃按晉哀帝生母周貴人詔崇爲皇太妃其禮自此始也

**嬪御** 周立天子后立六宮三夫人九嬪二十七世婦八

十一御妻漢興因秦之號正妃稱皇后妾稱夫人又有美人良人八子七子之號至武帝制婕妤嬪娥容華充容各有爵位而元帝加昭儀之號凡十四等唐制皇后而下有貴妃淑妃德妃賢妃是爲夫人昭容昭媛昭媛修容修儀修媛充容充儀充媛是爲九嬪婕妤美人才人各九合二十七是代世婦寶林御女采女各二十七合八十一是代御妻其餘六尚分典乘輿服御皆其員次後世改服不常開元時以后下復有四妃非是乃置惠麗華三妃四美人七才人而尚宮尚儀尚服各三參



合前號大抵踵周官相損益云

**宗室** 晉太康大年益封子邁爲隋郡王則宗室封王自  
晉始也國朝皇帝次嫡子及庶子封爲親王親王次嫡  
子及庶子封爲郡王各止封一加郡王次嫡子及庶子  
授鎮國將軍從一品孫授輔國將軍從二品各止封一  
夫人曾孫授奉國將軍從三品止封一淑人玄孫授鎮  
國中尉從四品止封一恭人五世孫授輔國中尉從五  
品止封一宜人六世孫以下授奉國中尉從六品止封  
一安人妾媵不封

**公室** 公羊傳曰天子嫁女于諸侯至尊不自主婚必使同姓者主之謂之公主蓋周事也秦漢以來使三公主之漢帝女爲公主姊妹爲長公主國朝皇姑太長公主皇姊妹曰長公主皇女曰公主

**宗室** 女後漢帝女皆封縣公三隋唐以來諸王女亦封郡縣主國朝親王女曰郡主郡王女曰縣主郡王孫女曰郡君曾孫女曰縣君玄孫女曰鄉君

**選宮人** 晉武帝選公卿女備六宮又取良家女人宮後世選女入宮始此

**放宮人**漢文帝出宮人令嫁此後世放宮人之始

**中官員數**漢明帝置中常侍四人小黃門十人中官有員數始此

**中官讀書**傳信錄曰國朝高廟舊制內侍不許讀書識字至宣廟始以翰林官教之于內侍監

**中官用事**丘氏曰宦者之設三代以前已有之本以給役而已武帝遊晏後庭始命以典事然所用者乃腐刑之司馬遷被固知道義識古今者也用之似亦無害然遷不世有後世遂襲爲故事以國家樞機之任委任昵

近其不至蔽聰明竊威柄也幾希菽園雜記曰內官宣  
德間差出頗多然事完卽回今則于預外政如鎮守提  
督兵營倉場等事永樂間差內官到府部稟事內官離  
一丈作掛路遇公侯駙馬伯下馬傍立今則呼喚府部  
如所屬公侯等反迴避之且稱老爹矣今謂成化以來  
**雙生兄弟**公羊傳曰古今尙質雙生以後生者居上取  
以爲兄西京雜記云霍將軍妾產二子霍光曰昔殷王  
祖甲一產二子曰囂曰良以卯生囂以巳生良則以囂  
爲兄良爲弟霍氏亦以先生爲兄



老公子無影風俗通曰陳畱二富翁年九十取年客女  
爲婦一交接生男與大男爭財數年州郡不出丞相丙  
吉言曾聞至人無影老公子亦無影又不耐寒可共試  
時八月取同年小兒俱解裸之此兒獨啼言寒兼令日  
中行後獨無影人咸服

婚禮

**嫁娶** 通典曰遂皇氏始有夫婦之道注云人皇是也通  
鑑曰大古男女無别太昊始制嫁娶以儷皮爲禮注云  
儷偶數也後世納幣本于此

古今事物考  
卷三  
雜錄  
徐道鑑曰女媧氏與太昊同母佐太昊正婚姻以重萬  
民之判是爲神媒周禮媒氏掌萬民之判注云判半也  
得合成夫婦

撒豆漢世京房之女適翼奉子奉擇日迎之房以其  
日不吉以三煞在門故也三煞者謂青羊烏雞青牛之  
神也凡是三者入門新人不得入犯之損尊長及無子  
奉以謂不然婦將至門但以穀豆與草禳之則三煞自  
避新人可入也自是以來凡嫁娶者皆置草于門闥內  
下車則撒穀豆旣至焚草于側而入今以爲故事也

**跨馬鞍**西陽雜俎曰今士大夫家婚禮新婦乘馬鞍悉北朝之遺風也今娶婦家新人入門跨馬鞍此蓋其始也

**婦人拜**禮曰男拜則尙左手女拜則尙右手又居喪之禮男拜稽顙女子則俯是古者男女之拜一也唐書云武后欲尊婦人始易今拜是則女屈膝而拜始于唐武后也

**主改適**唐書宣宗女萬壽公主下嫁之後遂詔公王有子而寡不得復嫁宋朝之制主薨其夫亦不得復娶也

喪禮

**喪服**通典曰上古喪期無數謂黃帝時心喪終身也三載過密八音唐虞雖行心喪更三年爲限三王乃制喪服則衰經之起自三代始也

**五服**之制原于夏備于商周一曰斬衰三年二曰齊衰三年杖期不杖期三曰大功九月四月小功五月五曰緦麻三月

**母服**三代之制父在爲母服齊衰朞唐武后始請同父三年宋太祖始令婦爲舅姑服三年



**易月**宋會要曰漢文帝酌變禮之宜創易月之制應劭曰凡三十六日而釋服此以日易月也

**忌日**祭義曰君子有終身之喪忌日之謂也又曰文王忌日必哀則忌日始于周也

**五姓**蘇氏演義曰五音之配五姓郭璞以收舌之音爲宮姓以至齶上之音爲徵姓以唇音爲羽姓以舌着齒外之音爲商姓以胸中之音爲角姓又青囊經云城寨屋宅之地亦以五姓配五行然則五姓之起自郭璞始也

諱春秋左氏曰周人以諱事神名終則諱之則是諱名  
自周人始也禮祭儀云文王稱諱如見親

諡大戴諡法曰周公旦太公望相嗣王作諡法史記秦  
始皇初并天下制曰太古有號無諡中古有號死而以  
行爲諡

文臣諡國初文臣無賜諡者諡自永樂間太子少師姚  
廣孝大學士胡廣二人後遂爲例

婦人諡穆天子傳曰天子爲盛姬諡曰淑人此婦人諡  
之起也

后謚漢王卽皇帝位尊先母曰昭靈夫人至高后尊曰昭靈后則后謚自漢高祖始也

**主謚**楊侃職林曰唐貞元十五年故唐安公主賜謚莊穆謚自唐安始也按唐高祖女平陽公主起兵參佐命已謚爲昭文齊高帝女義興憲公主妻沈攸之子文和則主亦謚爾非自唐安始也

**起復**伯禽封于魯有徐戎作難喪卒哭而征之急王事也漢唐以來遂有起復之禮蓋自伯禽始也菽園雜記云先是大臣遭父母喪奪情起復者比比皆是始著爲

令皆終喪三年奪情起復亦間有之實出于朝廷非復前時之濫是則羅生一疏之力也天順時修撰羅倫上疏論閣老李賢奪情事調廣東市舶提舉

**葬陵** 晉史曰自漢魏以來羣臣不拜山陵王導以元帝睦同布衣匪惟君臣而已每一崇進皆就拜不勝哀戚由是詔百官拜陵自導始也

**殉葬** 秦葬始皇于驪山始用厚葬以宮人殉

**發塚** 楚項籍入關中掘始皇塚則發塚此其始也

**含槨** 凡始死以珠玉寶口中曰含以衣衾贈死者曰槨



襚卽俗謂搭衣架是也禮曰商王綴重三禮圖云以飯  
含餘粥盛之鬲名曰重然則含商制之周人加以珠玉  
爾

**面帛**今人死以方帛覆面者吳王夫差不用子胥之言  
越殘其國無面目以見子胥于地下乃爲幘冒而死故  
後因之制面衣按幘冒面衣也以帛爲之方一尺二寸  
四角有繫於後結之

**明衣**三代以來襲有明衣唐改用生絹單衣今但新衣  
而已酉陽雜俎曰明衣起于佐伯桃

**糧罍**今喪家棺斂柩中必置糧罍者昔魯哀公曰夷齊不食周粟而餓死恐其魂之饑也故設五穀囊今之糧罍卽商制名重遺意設之于庭恐神依之以食

**綦**人之所持以蔽喪車前後以爲飾者今挽者所執是也禮檀弓曰周人墻置綦古史考曰周公作綦起于周也

**明器**禮檀弓曰孔子謂爲明器者知喪道又曰明器神明之也塗車芻靈自古有之明器之道也謂爲芻靈者善爲俑者不仁爲其象人而用之也周官象人及葬言

鸞車像人是象人起于周也禮曰夏后用明器謂竹不成用瓦不成味木不成斲琴瑟張而不平竿笙備而不和有鐘磬而無簋簠也以俑爲明器誤矣

**桐人**今喪葬家用桐人于壙中有仰視俯聽乃蒿里老人之類酉陽雜俎云桐人起于虞卿也

**方相**本記曰黃帝周遊元妃嫫祖死于道令次妃姆嫫監護因置方相亦曰防喪此其始也俗號顯道神周禮有方相氏黃金四目大喪先及墓入則以戈擊四隅毆方良故葬家以方相先馳

**魍魎**宋喪葬令有方相魍魎之別皆是其品所當用而世以四目爲方相兩目爲魍魎按漢逐疫用魍魎周禮方相氏蒙熊皮黃金四目以索室毆疫鄭注云如今魍魎是也疑自漢始

**銘旌**禮記曰銘明旌也以死者不可以別故以其旌識之喪服小記曰書銘自商始置周官司常大喪共銘旌因商事耳士喪爲銘各以其物書名于末曰某氏某之柩置于宇西階之上商以前皆書姓男名女字無書國者后亦不書氏至魏以爲天下之號無所復別故稱之



以自別也

**埋葬** 孟子曰上世嘗有不葬其親者其親死則舉而委之于壑他日過之狐狸食之蠅蚋姑嘬之其類有泚蓋歸反藁而掩之則埋葬疑自此始矣

**棺槨** 易曰古之葬者厚衣之以薪葬之中野不封不樹後世聖人易之以棺槨棺槨之作自黃帝始

**墓塚** 內傳云黃帝斬蚩尤因置塚墓然諸小說家往往記伏羲女媧之塚疑後人增築云

**火化** 列子曰秦之西有義渠之國其親戚死聚柴積而

焚之燼則煙上謂之登遐然後爲孝子今之火化其尸  
蓋始自西域之胡俗也

**合葬** 舜葬蒼梧之野蓋二妃未之從也注謂古不合葬  
季武子曰周公蓋祔注云祔爲合葬始自周公以來故  
桓王詩曰死則同穴

**挽歌** 通典曰漢高帝時田橫死吏不敢哭但隨柩敘哀  
後代相承以爲挽歌武帝時李延年分爲二曲薤露送  
王公貴人蒿里送大夫士庶蓋二歌之起始自田橫也  
按莊子曰緇謳所生必于斥苦司馬彪注云緇引柩索

也謳挽歌斥疏緩也苦用力也引緋所以有謳歌者爲  
人有用力不齊故促急之也左傳曰魯哀公會吳伐齊  
將戰公孫夏命其徒歌虞殯杜預注云虞殯送葬歌示  
必死也孔穎達疏云虞殯謂啟殯將虞之歌今謂之挽  
歌馮鑑謂起于虞殯然則其周人之制乎

**墓誌**齊太子穆妃將葬議立石記王儉曰石誌不出禮  
經起宋顏延年爲王球作墓誌遂相祖習魏侍中繆襲  
改葬父母製文埋墓下將以陵谷遷變欲使人有所聞  
知但記姓名歷官祖父姻婭而已若有德業則爲銘文

王戎墓銘有數百字則魏晉以來有墓誌也漢杜子夏  
臨終作文命刊石埋墓前恐墓誌因此始也

**碑碣**廣韻曰碑碣李斯造疑始于嶧山之刻柳文曰唐  
葬令五品以上螭首龜趺降五品爲碣方趺圓首高四  
尺尙書故實云古碑皆有圓孔本墟墓間者初葬穿繩  
于孔以下棺乃古懸窆之禮管子曰無懷氏封太山刻  
石記功秦漢以來始謂刻石曰碑刻石當以無懷氏爲  
始而名碑自秦漢也

神道碑後漢中山簡王薨詔修塚塋開神道注云墓前



開道建石柱以爲標謂之神道始有神道名在漢已有之也晉宋之世始有神道碑天子及諸侯皆有之其刻篆止曰某帝或某官神道之碑其初立于葬兆東南地理家東南爲神道故以名碑爾

**石羊虎**

炙轂子曰秦漢以來帝王陵寢有石麟辟邪兕

馬之屬人臣墓有石人羊虎柱之類皆表于墳壠如生前儀衛西征記曰漢桂陽太守趙越墓有石柱東南因名爲亭霍去病墓像都達山立石人馬然則墓前立石人柱羊虎之類皆起于漢也

**華表** 古今注曰程雅問堯設誹謗之木何也曰今之華

表以木交柱頭狀如華形似揭楔之狀或謂之表木應劭曰今宮外橋梁頭四柱木是也韋昭曰慮政事有缺失使言事者書之于木凡交衢道路悉施焉後世以石易之第取其觀瞻而已後人立于墓前以紀其識也

**漏澤園** 漏澤園之法起于宋元豐間國初令民間立義

塚天順四年令京城門外各置漏澤

**漏錢** 今楮鏹也唐書曰玄宗時王嶼爲祠祭使專以祠

解中帝意有所奏禳大抵類巫覡漢以來葬者昏有瘞

錢謂也晚埋錢于壙中爲死之用至嶼乃於喪祭焚錢以代之是喪祭焚紙錢起于漢之瘞錢其禱神而用寓錢則自嶼始今巫家有焚奏禳謝之事亦自此也

古今事考

三



古今事物考卷之二

盤屋 王三聘 輯

公式

**敕**三代而上王言有典謨訓誥誓命凡六等總謂之書  
漢初定儀制四品其四曰戒敕自此帝王命令始稱敕  
唐高祖顯慶中始云不經鳳閣宮殿不得稱敕敕之名  
遂定于此唐高宗以敕用白紙多爲蟲蛀自後始用黃  
紙

**制**古者有命爲制秦李斯議命爲制歷代因之

**詔**三代無文起于秦漢史記秦始皇二十六年李斯議令爲詔歷代因之

**誥**誥始于湯黜夏年誥宋命官授職皆爲誥雜志云唐誥初用紙肅宗朝有用絹者德宗後始用綾

**冊**冊書顧命曰丁卯命作冊度滿儀以品一策書蓋漢緣周事云

**奏**書云敷奏以言雖有其名而未有定式自伊尹作書以戒太甲而七國時臣子言事于君皆曰上書秦改曰奏漢以來或稱奏疏恐有宣泄則又有封事矣

表漢定禮儀有章表奏駁四等唐宋文用四六雜記云  
四六之作起于徐庾

幾牋前無聞自魏始也上至尊曰表降一等中宮東宮  
皆曰牋大體與表相類

啟漢記曰董卓呼三臺尙書以下自詣啟事然後得行  
此啟事得名之始也晉宋以來與表俱用宋止臣下以  
相往來國朝東宮諸王府俱用啟本直述其事不用儷  
語

檄周穆王令祭公謀父爲威令之辭以責狄人此檄之

始戰國時稱爲檄

**露布** 隋書曰後魏每戰捷欲天下聞知乃書帛建于漆竿之上名爲露布此其始也按漢桓帝時地震李雲乃露布上書移副三府注謂不封之

**移** 始于劉歆移太常孔稚圭因有北山移文今公式文移下達上曰呈曰申上行下曰牒曰帖曰劄

**關** 唐會要曰唐制諸司相質問三曰關開通其事也宋神宗行官制用唐事會同品衙門行移曰關

**勘合** 國朝洪武十五年始定勘合之制



**花押** 古者書名改眞從草取其便于書記難于摸倣唐  
開元中法陟每書陟字自謂若五朶雲時號五雲體俗  
浸相緣率以爲常復有不取其名出于機巧心法者此  
押字之初疑自韋始

**書簡** 錦帶前書曰書竹曰簡書板曰牘今人直用紙名  
曰簡以通慶弔問候之禮取簡書之義舜曰書用識哉  
詩曰畏此簡書春秋子家弔宜孟以書是名雖見于虞  
周而實始于春秋

**門狀** 續說曰唐李德裕貴盛百官以舊刺禮輕改具銜

古今事物考  
三  
候起居之狀至今貴賤通用謂之門狀稍貴禮隔有如  
公狀體爲大狀

**名紙** 續說曰古未有紙削竹木以書姓氏謂之刺後以  
紙書謂之名紙蓋始干漢制

**書函** 吳張溫使蜀謂先主曰謹奉所齎函書書之有函  
疑自漢始也

文事

**文字** 黃帝時蒼頡比類象形謂之文形聲相益謂之字  
著于竹帛謂之書故有指事象形諧聲會意轉注假借

六書之別周宣王時史籀作文篆秦李斯等作小篆程邈作隸書漢蕭何等著六體以試學童有古文奇字篆書隸書謬篆蟲鳥武帝時孔壁古文謂之蝌斗書孔安國就古文體而隸以定之猶古制也自蔡邕得八角垂芒之祕于嵩山石室中遂爲書家傳受之祖

**石鼓** 歐陽修跋曰石鼓文在岐陽初不見稱于前世至唐人始盛和之韋應物以爲文王之鼓至宣王刻詩爾韓退之直以爲宣王之鼓在鳳翔孔子廟中鼓有十然退之好古不妄者余姑取以爲信至于字書亦非史籀

不能作也元國子司業潘迪以歲久刻淺字多不可識  
乃考訂音訓刊附於後今在北京國子監

**蘭亭** 晉永和九年暮春王羲之與親友四十二人修禊  
于蘭亭用鼠鬚筆蠶蠶紙製序道媚勁健自謂有神助  
亦自珍愛畱付子孫謂之蘭亭帖此法帖之始也其後  
宋太宗摹漢晉唐梁陳帝王諸人蒼頡至羲獻書名淳  
化閣帖頒刻于潭州名潭帖翻刻于泉州名泉帖又有  
增入別帖者名絳帖汝帖皆因於此

**字學**

晁氏曰文字之學有三其一體製謂點畫有縱橫



曲直之殊其二訓詁謂稱謂有古今謂俗之異其三音韻謂呼吸有清濁高下之不同三者雖各名一家其實皆小學之類

**文籍**伏羲氏始畫八卦通書契以代結繩之政由是文籍生焉

**石經**漢靈帝詔諸儒校定五經鑄石以刊其文命蔡邕等書爲古篆隸三體立於太學門謂之石經

**印板**石林葉氏曰唐以前凡書籍皆寫本未有模印之法五代時馮道始奏請官鑲印行又曰道但爲監本五

經板爾柳玘訓序言在蜀嘗閱書肆云字書小學率雕板印紙則唐固有之矣但恐不如今之工

**巾箱**

南史齊衡陽王鈞嘗親手細書五經部爲一卷置

巾箱中侍讀賀玠曰殿下家有墳素復何細書別藏巾箱鈞曰巾箱中檢閱既易且更手寫則永不忘矣諸王聞之爭効爲巾箱今謂籍之細書小本者爲巾箱始于此也

**目錄**

古者史官既司典籍蓋有目錄以爲綱紀漢劉歆

總羣書而奏七略魏武置七庫圖書分甲乙丙丁爲部

宋謝靈運造四部目錄梁增術數之書而爲五部目錄  
唐分書爲四類曰經史子集宋慶歷間集四庫爲籍名  
曰崇文總目

**易**伏羲始畫八卦以通神明之德以類萬物之精蓋因  
而重之爲六十四卦及于三代是爲三易夏曰連山商  
曰歸藏周文王作卦辭謂之周易周公作爻辭孔子爲  
彖辭象辭繫辭上下文言序卦說卦雜卦謂之十翼

**書**伏羲神農黃帝之書謂之三墳言大道也少昊顓頊  
高辛唐虞之書謂之五典言常道也孔子討論墳典斷



自唐虞下迄於周典謨訓誥誓命之文凡百篇秦始皇  
焚書孔勝藏書于屋壁漢開學求儒伏生口授裁二十  
餘篇以其上古之書謂之尙書至魯共王壞壁得書皆  
科斗文字時無知者以所聞伏書考定爲五十九篇

**詩**大吳有網罟之歌則詩之始也漢志曰孔子純取周  
詩上采殷下取魯凡三百五十篇遭秦而全者以其諷  
誦不獨在竹帛故也隋志曰漢申公受于浮丘伯作訓  
詁爲魯詩轅固作傳爲齊詩韓嬰作傳爲韓詩又毛萇  
自云子夏所傳作古訓爲毛詩而序乃子夏所創毛公



衛敬仲又加潤色唯鄭衆賈逵馬融並作毛詩傳而鄭  
立作箋至今獨立

**禮**帝王質文世有損益至周經禮三百卽周官也威儀  
三千卽威禮也周衰諸侯已去其籍至秦大壞流傳于  
漢周官儀禮戴記三書而已

**周官**周官周公所制官政之法漢有李氏得周官上于  
河間獻王獨闕冬官一篇取考工記以補之合成六篇  
奏之至王莽時劉歆始置博士以行于世

**儀禮**漢初有高堂生傳十七篇又有經出于淹中而河

間獻王收集餘燼獻之合五十六篇並威儀之事

**禮記**

其書雜出于漢儒如月令出於呂不韋漢文帝令

諸儒博士作王制子思作中庸曾子作大學公孫尼子作緇衣而樂記一篇司馬遷以爲公孫宏所記它皆錯雜出自漢世也漢河間獻王得仲尼弟子及後學者所記一百三十一篇上之至劉向考較經籍檢得前篇因第敘之又得明堂陰陽記三十三篇孔子三朝記七篇王氏史氏記二十一篇樂記三篇凡五種合二百四十六篇戴德刪爲八十五篇爲大戴記戴聖又刪爲四十六

篇爲小戴記馬融小戴之學又足月令一篇明堂位一篇樂記一篇合四十九篇

**樂**西漢志曰自黃帝至三代樂各有名周衰禮樂旣壞樂尤微眇以音律爲節又爲鄭衛所亂故無遺法漢興制氏以雅樂聲律世在樂官頗能記其鏗鏘鼓舞而不言其義孝文時得樂人竇公獻其書乃周官大宗伯之大司樂章也武帝時河間獻王與毛生等共采周官及諸子言樂事者以作樂記獻八佾之舞王定傳之以授王禹成帝時禹獻二十四卷劉向校書得樂記二十三



篇與禹不同其道寢以益微

**漢志**曰古之王者左史記言右史記事言爲尚書事爲春秋周衰籍缺仲尼思存前聖之業以魯周公之國禮文備物史官有法故與左丘明觀其史記據行事仍人道因興以立功就敗以成罰假日月以定歷數籍朝聘以正禮樂有所褒諱貶損不可書見口授弟子

**論語**孔門弟子會集夫子之言以爲書蓋成于曾參有若故其文每至二子記所多曰曾子有子他則皆字也漢有齊魯論語張禹本授魯論晚講齊論遂從魯論合



之定二十篇號張侯論

**孟子**戰國時孟軻以儒術干諸侯不用退與弟子公孫丑萬章之徒相與答問著書七篇秦焚書以其書號諸子故得不泯絕

**孝經**孝經者孔子爲曾子陳孝道也遭秦焚書爲河間人顏芝所藏漢初芝子真出之凡十八章孔安國爲傳至劉向典校經籍以顏本定十八章鄭衆馬融注至唐玄宗序之

**爾雅**世傳釋詁周公書也餘篇仲尼子夏叔孫通梁文

增補之晉郭璞註其序曰興于中古隆于漢代豹鼠旣辨其業亦富大抵解詁詩人之旨漢孝文時論語孟子孝經爾雅皆置博士後罷傳記博士獨立五經而已

**家語**

王肅註後序曰孔子家語者皆當時公卿士大夫

及七十二弟子所諮訪交相對問言語也與論語孝經並時弟子取其正實切事者別出爲論語其餘總集錄之名曰孔子家語肅得此書於孔子二十四世孫猛家山海經其文所記皆山川草木鳥獸之奇疑禹治水所過所見而識之莊子所謂齊諧者志怪也禹知而名之

益見而記之常是此也其書盛行於漢氏自劉向辨貳  
負之屍始也

**儀註**隋志曰儀註之興由來久矣唐虞以上分之爲三  
在周因而爲五周官宗伯所掌吉凶軍賓嘉是也周衰  
諸侯去籍至秦而焚之漢興叔孫通定朝儀武帝時始  
祀汾陰后土成帝時初定南北郊節文漸具後漢又使  
曹褒定漢儀是後相承世有制作

**家禮**朱子自序嘗獨究觀古今之籍因其大體之不可  
變者而稍加損益于其間以爲一家之書大抵謹名分

崇愛敬以爲之末至施行之際則又略浮文務木實以  
竊自附于孔子從先進之遺意

**新書**蔡元定撰律呂新書二卷其法以律生尺如房庶  
范鎮之論亦祖兩漢志蔡邕說及程子張子又淮南太  
史小司馬之說以九分爲寸

**訓釋**洪容齋隨筆曰晉唐至今諸儒訓釋六經其書曰  
傳曰解曰章句而已若戰國迨漢則其名簡雅一曰故  
二曰徵三曰通

**御製**家語舜作南風之詩此御製之始也



**著書**史記太史公自敘曰昔西伯拘于美里演周易則著書之始也

**史**呂氏春秋曰蒼頡造史則史之原起於黃帝晁氏曰後世述之者有三編年紀傳實錄王氏揮麈錄曰凡史官記事所因者有四一曰時政記二曰起居注三曰日歷四曰臣僚墓碑行狀

**編年**春秋編年之體也晁氏曰編年者以事繫日月而總之以年蓋本于左丘明

**紀傳**尚書記傳之體也晁氏曰紀傳者分紀君臣行事

之始終蓋本于司馬遷

**實錄**晁氏曰實錄者其名起于蕭梁至唐而盛雜取編年紀傳之法而爲之以備史官採擇而已梁周興嗣始有皇帝實錄唐正觀中作高祖實錄自是迄今爲之

**時政記**王氏曰時政紀則宰執朝夕議政君臣之間奏對之語也宋志曰古者左史記言時政記蓋記言也唐會要曰永徽以後左右史惟得對仗下後謀議皆不聞姚壽請仗下所言軍國政要宰相二人撰錄號時政記起居注宋志曰古者右史記動厥後有起居注蓋記動

也漢武帝有禁中起居後漢明德馬皇后自撰明帝起居注然則漢時起居似在宮中爲女史之職晉唐以來起居注皆近侍之臣所錄晉時人得汲冢書有穆天子傳體製與今起居注同

**日歷**王氏曰日歷則因時政記起居注潤色而爲之也宋志曰日歷兼言動而成之按日歷與實錄皆備史官之採擇耳

**野史**文獻通考曰雜史雜傳皆野史之流出于正史之外者雜史記志編年之屬也雜傳列傳之屬也事多異

聞言或過實然質疑補遺後之爲史者有以取資

**故事**

宋志曰西漢有掌故之史以主故事則名之所起

不亦遠乎魏相爲丞相務在奉行故事孔光領樞機亦  
守法度修故事耳如唐政要宋會要國朝會典是也

**文心雕龍**

曰鸞熊作書題曰鸞子按熊爲文王師周

封爲楚祖蓋周初人此名子之始也

**集**

吳氏曰漢時未以集名書劉歆七略有輯略至梁院

孝緒爲七錄始有文集錄隋經籍志遂以荀況等賦蓋  
爲之集而又有別集史官謂別集之名漢東京所創按



閔馬父論商頌之亂曰輯韋昭注輯成也蓋東京別集之名本于劉歆之輯略而輯略又本于商頌之傳云

**總集** 隋志曰集者以建安之後詞賦轉繁衆家之集日以滋廣晉代摯虞苦覽者之勞倦于是採擇孔翠芟翦繁蕪自賦以下各爲條貫合而論之謂之流別是後文章總抄作者繼軌屬辭之士以爲覃奧而取則焉

**集名** 宋志曰古人但以名氏名篇南朝張融始著玉海之號後世爭効制爲集名一家至十數者爵里年氏各立意義或相重複而文亦不勝其繁矣

**類書**晁氏曰齊梁間士大夫之俗喜徵事以爲學淺深之候梁武帝與沈約徵粟是也類書之起當在此時

**讖緯**致堂胡氏曰讖書原與易之推往以知來周家卜世三十卜年八百緯書原本五經而失者也而尤紊于鬼神之理幽明之故陳氏曰讖緯之說起于王莽以此濟其篡逆公孫述効之而光武亦以赤伏自累魏晉以革命受終莫不附會符命其原實出于此

**數學**天原發微曰數學自伏羲則河圖以畫卦始後七百餘年禹治水而得洛書又一千一百餘年得箕子作

洪範而洛書九疇之數始明又五百七十餘年孔子始  
繫易以發明河圖之數于五十有五之中又千五百餘  
年而皇極經世之書始出其數所以不流于術者以其  
一本於伏羲先天卦圖而推演之也若夫楊雄太玄衛  
衍元包司馬公潛虛僅得易之一端而已未臻其極也  
**千字文**梁周興嗣千字文劉後村曰法帖中漢章帝已  
嘗書此文殆非梁人作也

**家訓**北齊顏之推撰家訓七卷其書頗尙釋氏然古今  
家訓以此爲祖

音韻筆談曰音韻之學自沈約爲四聲及天竺梵學入中國其學漸密也

切韻鄭樵曰切韻之學起自西域舊所傳十四字貫一切音文省而音博謂之婆羅門書其後僧守溫得三十六字母而音韻之道始備中華之韻只彈四聲然有聲有音平上去入者四聲也其體縱故爲經宮商角徵羽半徵半商者七音也其體橫故爲緯經緯錯綜然後成文

押韻張孟後序曰押韻肇自顏魯公迄于聖宋蓋孟在



天聖中准宋韻重編也

**詩**樂書曰伏羲之樂曰立基夫樂必有章樂章之謂詩  
始于太昊之世

**詩言**自三百篇後有三言起于夏侯湛有四言起于韋  
孟諷諫楚王戊有五言起于蘇武李陵有六言起于谷  
永有七言起于漢武帝使羣臣爲栢梁詩有九言起于  
高貴鄉公

**律格**沈約于信以音律相婉附屬對精密及宋之問沈  
佺期又回忌聲病約句準篇則律格原于約信而成于

沈宋也

**聯句**漢武帝爲栢梁詩使羣臣作七言始有聯句體梁何遜集多有其格是體始于漢而臣于遜也夏書五子之歌則亦聯句之體

**倡和**帝舜與皋陶乃賡載歌則倡和之初也亦本于詩之籥兮倡子和汝之義其事新見于齊梁時顏延年謝元暉始之也

**次韻**齊梁間倡和皆不次韻至唐元禎作春深二十首並用家花車斜四字爲韻白居易劉禹錫和之亦用其

韻及令狐楚和詩多次其韻宋真宗時楊億謂次韻始于此也

**賦**詩序六義次二曰賦蓋謂直陳其事爾左傳言鄭莊公入而賦大隧之中是後荀卿宋玉之徒演爲別體因謂之賦故昔人謂賦者古詩之流以荀宋爲始

**頌**詩序六義其六曰頌詩有商周魯三頌文心曰帝嚳時咸黑爲頌以歌九韶則頌起于帝嚳也

**歌**書帝庸作歌則詩歌之始也古詩有長歌短歌古今注論言壽命長短有定分也李善引古詩長歌正激烈

魏文帝短歌微吟不能長等語以爲歌聲有長短非壽命也

**文心**曰昔舜禹重贊及益贊于禹伊陟贊于巫咸並揚言以明事嗟歎以助辭故漢置鴻臚唱拜爲贊如相如贊荆軻班固之褒貶以贊蓋取益贊于禹之義要自相如贊荆軻始蕭統序文選曰圖像則贊興

**箴**文心曰軒轅輿凡以弼不逮卽爲箴又曰斯文之興盛于三代夏商二箴餘句尙存及周辛甲百官箴闕虞人之箴體義備焉



**銘**蔡邕曰黃帝有金凡之銘拾遺記曰黃帝以神金鑄器皆有銘題凡所造建皆記其年時此銘之起也

**謳**春秋宋築臺妨于農收築者謳曰澤門之哲實興我役邑中之黔實慰我心孟子曰天下不謳歌益而謳歌啟是謳在禹已有之也

**謠**列子曰堯微服遊康衢聞童謠曰立我蒸民莫匪爾極不識不知順帝之則謠之起自堯時然也

**行律**詩拘于聲律古詩拘于語句以是辭不能達夫謂之行者達其辭而已如古文而有韻自陳子昂一變江

左之體而歌行暴于世

**迴文**皮日休雜體詩序曰晉溫嶠始有迴文詩

**集句**蔡攸詩話集句自宋初有之至石曼卿以文爲戲  
然後大著

**連珠**傳立曰連珠興於漢章帝班固賈逵傅毅皆受詔  
作之體則悠喻達旨賢者微悟欲使歷歷如貫珠易觀  
而可悅故曰連珠梁沈約云連珠之作始自揚子雲藝  
文類中亦有楊雄連珠則爲斯文之興不自漢章明矣  
**琴瑟**虞舜升爲天子喟然念巍巍帝位不易保撫琴作

操此其始也

**誅**周制大夫已上有諡亡則有誅是誅起于周也禮檀弓魯莊公及宋戰縣賁父死之公誅之士之有誅自此始也按周禮六辭以通上下親疎遠近六曰誅

**硯**自有書契卽有此硯蓋始于黃帝時也一云子路作筆自有書契卽有此筆故禮曰史載筆一云大舜造筆一云蒙恬造筆蓋古筆木管鹿毛然羊毛竹管乃恬製也

**墨**始造于黃帝之時一云田真造墨

古無紙以竹簡爲之漢和帝時來陽蔡倫始造紙魏  
張楫云古之素帛依書長短隨事截之枚數重沓名幡  
紙故從糸後漢蔡倫以故巾搗剉之故字從巾

桓玄僞事曰玄令平准作青赤縹柁花紙又石季  
龍寫詔用五色紙蓋賤紙之制也

### 藝術

射御易稱黃帝作弧矢以威天下又曰服牛乘馬引重  
致遠則射御皆始于黃帝世本曰韓哀作御謂加精巧  
逢蒙作射謂改制也



**算數** 謝察微算經曰易稱太極是生兩儀蓋數之先也  
晉志曰黃帝使隸首作算數魏劉氏曰庖犧氏始畫八  
卦作九九之術以合六爻之變周公制禮而有九數九  
數之流則九章是矣一方田二粟布三衰分四少廣五  
商功六均輸七盈朒八方程九勾股

**田獵** 尸子曰宓犧之世天下多獸教人以獵易繫辭亦  
言庖犧氏以濕則獵始于太昊也

**工巧** 尸子曰古者倕爲規矩準繩使天下倣焉倕黃帝  
時巧人也舜命垂作共工垂亦舜臣筆談曰審方面勢

覆量高深遠近算家謂之重術重文象形如繩木所用  
墨斗也

**商賈**

易稱神農爲市交易而退則商賈自炎帝始也

**圖書**

宋嘉祐中高保衡序曰黃帝坐明堂之上乃興岐

伯更相問難垂法以福後世於是雷公之倫受業傳之

而內經作矣蒼周之興秦和述六氣之論具明于左史

厥後越人演而述難經西漢倉公傳其舊學東漢仲景

撰其遺論晉皇甫謐次而爲甲乙及隋楊上善纂而爲

太素

**藥方**通鑑曰炎帝始味草木之滋察寒溫平熱之性辨君臣佐使之義嘗一日而遇七十毒遂作方書以療民疾而醫道立矣黃帝命岐伯雷公究息脈巫彭桐君處方餌而人得以盡年後如脈訣之出于晉王叔和病源之出于隋巢元方湯液經之出于商伊尹傷寒論之出于漢張機千金備急出於孫思邈外臺秘要出於唐王壽耒太宗求天下名方集太平聖惠

**小兒方**孫思邈千金方曰小兒六歲以下黃帝無說中古有巫妨始撰顓頊經以占壽夭自此始有小兒方藥

古今事物考  
三  
**豌豆瘡** 天行豌豆瘡自西漢以前經方不載或曰光武建武中於南陽征虜所得呼爲虜瘡久而大小兒相繼傳染爲受虜之疫氣故也則是起于東漢

**本草** 帝王世紀曰炎帝嘗味百藥著本草四卷至梁陶宏景唐李世勣等注敘爲二十卷宋太祖開寶中重校定仁宗嘉祐中命掌禹錫等類集諸家敘藥之說爲補注本草

**九鍼** 帝王世紀曰黃帝命紀伯雷公教制九鍼蓋鍼灸之始也



**明堂**銅人腧穴圖序曰黃帝問岐伯以人之經絡窮妙于血脈參變乎陰陽盡書其言藏于金蘭之室泊雷公請問乃坐明堂以授之今醫家記鍼灸之穴爲偶人點誌其處故名明堂

**醫獸**續事始曰黃帝時有馬師皇者善醫馬通神明故周禮天官有獸醫夏官有巫馬之職

**卜筮**龜曰卜蓍曰筮事始曰庖犧氏時始有卜元命苞曰古者司經主卜古史考曰庖犧氏作卦始有筮世本曰巫咸作筮

日者史記日者注云古人通卜筮則謂之日者其事則周大卜之職也

**曰者**黃帝內傳曰王母使玄女授黃帝法有九天九地八門六甲之術卽今遁甲也遁甲并太一六壬是爲三式

**三式**晉志曰黃帝使羲和占日尙儀占月車區占風鬼與區占星后益占歲

**靈臺異苑**曰十二碁卜出張良受法于黃石公蓋靈碁法也以十二子分上中下擲之據所得按法驗之以考

吉凶

**王**周禮司巫掌羣巫之政今若國大旱則師巫而舞雩  
女巫掌歲時祓除釁浴

**相命**東周內史叔服相公孫敖二子其說始見于左傳  
厥若姑布子卿唐舉昌公許負管輅天綱之徒推行其  
術


**畫**易通卦驗曰宓犧氏方牙倉精作易無書以畫事注  
云作易以爲政而不書但畫其形此畫之始也世本曰  
史皇作圖圖謂畫物象也或曰史王卽蒼頡


傳神商高宗夢得傳說乃審厥象旁求于天下說築傳  
巖之野惟肖則審象傳神之始也


神仙真西山曰神仙之說自齊威王燕昭王始至秦皇  
漢武熾焉皆方士爲之也

古今事物考卷二終









古今事物考

DS  
705  
W36  
1874  
v.1-2